

1683.

1. Albinus, Berah: Demonstrationibus anatomicis in corpore masculinis . . . invitata.
2. Albinus, Bernhardus: De radicibus extractivis.
3. Albinus, Bernhardus: De elephantia Haec nova.
- 4^{1^o & 2^o} Albinus, Bernhardus: De sterilitate 2. Sumpt. 1683
" 1693.
- 5^{1^o & 2^o} Beermannus, Joh. Christoph: De cognominibus principum.
3. Sumpt. 1683 & 1684.
6. Rhodius, Marcus: De jurisdictione apificum.
- 7^{1^o & 2^o} Schultze, Petrus: De vasallo adiutore.
8. Strykius, Samuel: De jure praesentiae.
9. Strykius, Samuel: De civitate obscurata.
10. Strykius, Samuel: De privilegiorum interpretatione.
11. Strykius, Samuel: De pueris impubescentibus.

12. Strypius, Samuel: De praesumptione feudali

13. Strypius, Samuel: De successione praetoria
hodiernis necessariis

14. Strypius, Samuel: De ordine mortalitatis.

15. Strypius, Samuel: De jure ex alterius persona
permisso citra successionem vel cessionem

DEMONSTRATIONIBUS
ANATOMICIS

in corpore malleo

BERNH. ALBINUS, PHIL.

& MED. D. IMPER. ET CAES.

[Faint, illegible handwritten text, possibly bleed-through from the reverse side of the page]



DISPUTATIO MEDICA
INAUGURALIS
DE
STERILITATE,

5 /
1683,46

Quam
ANNUENTE DEO,
EX DECRETO

GRATIOSI MEDICORUM ORDINIS,
IN ILLUSTRIS HAC VIADRINA,
PRÆSIDE
DECANO SPECTABILI
DN.

BERNHARDO ALBINO

PHIL. & MED. DOCT. hujusq; PROF. PUBL. ORDIN.

Fautore suo ætatem colendo,

PRO LICENTIA
ASSUMENDI GRADUM DOCTORALEM,

In Auditorio Majori,

Ad Diem XII. Octobr. A. clō lōc LXXXIII.

Horis Ante- & Pomeridianis

PUBLICO ERUDITORUM EXAMINI SUBJICIET

SIMON Reuter /

BRAMBACHO-VARISCUS,

Circuli & Civitatis Arnsvvaldensis Medicus Ordinarius.

Frankofurti, Typis CHRISTOPH. ANDREÆ ZEITLERI. Junioris, 1693.

127



DISPUTATIO IN MEDICINA
STERNELLE

STERNELLE

GRATIUS MEDICORUM ORDINIS
IN HUIUSMODI VITAE

BERNHARDO ALBINO

BERNHARDO ALBINO

ASSUMENDI GRATIA

ASSUMENDI GRATIA

ASSUMENDI GRATIA





Mibi satis placeret, si nobis etiam arborum more ci-
tra conjunctionem procreare liceat, sive alia qua-
piam reperiatur rerum propagandarum ratio, quam
coitionis illa vulgaris & trivialis: Nihil profecto
ineptius est, aut Viro sapiente indignius; Nihil
quod mentis celsitudinem turpius dejiciat, quam si animo jam
deserbente reputet, quam insigniter ineptierit. Quisquis
illa reliquit certè & in Deum & in homines injurius fu-
it. Displiceat licet Augustino corporum contactus, si-
ne quo uxor haberi non potest; dubitet idem an ope-
ram liberis dare ad officium pertineat sapientis; Novi-
mus Deum dixisse: Crescite & multiplicamini: nec illi-
us aliam voluisse viam corporis humani docet fabrica,
quam si opus digitorum Dei dixero omnia dixero; Un-
de dicente Arnobio:

- - - - Fatum est in partibus illis

Quas sinus abscondit.

At, qui nos sumus, ut Creatoris nostri opera corrigere
velimus, ut illius placita nobis displiceant? Tollas ho-
rum crepundiorum è genere humano usum, quodnam
erit laborum præmium, ærumnarum solatium, tædii
temporis remedium? Adeò altas in hominum animis
id egit radices ut dolores oculorum, fœminas innuo,
cum desiderio expetant. Imo

A 2

eadem

*- eadem summis pariter minimisq; libido est.
Nec melior pedibus silicem qua conterit atrum,
Quam qua longorum vehitur ceruice Syrorum.*

Hinc hermaphroditos, quod iis partibus malè conformati essent, mari merferunt Romani, vel in Insulas desertas deportârunt; Sic quod Cornelia Gracchorum mater concreto genitali nata esset infausti ominis res habebatur. Vanis talibus, quisquis fuerit, votis suum exsatiat appetitum, quod Deo placuit id & nobis placebit. Condidit ille Marem & Fœminam ut in mutuos ruant amplexus, & chara suscipiant pignora, ne posteritatis spe destituantur. Si ulla in naturâ rerum certè hæc generatio est problema problematum; Quæstionum hic est abyssus, responsionum sterilitas, semper enim quod quæras, rarò quod respondeas, reperies; Involucra, quæ fœtum tegunt, nostram quasi terminantur cognitionem, nostrâque origine obscurius ferè nihil est. Multas tamen ab hâc regulâ esse exceptiones quotusquisq; est qui nesciat? Freqventer enim Comici cuiusdam jocum in agrum sterilem apud Stobæum sermone LV. suum faciant oportet mariti:

Ἐγὼ π' ὀρέω τὸν ἀγρὸν, ἔχ' ὅπως τρέφῃ
 Αὐτὸς με παρ' ἐμῆ ὄ' ἵνα τρεφῆν προσλαμβάνῃ.
 Σκάπτω γὰρ αὐτὸς ὀπιμελῶς, σείρω τ' αἰεὶ
 Καὶ πάντα ποιῶ πρὸς τὸ δέναι καὶ λαβεῖν.
 Ὁ δὲ λαμβάνει μὲν, ἀποδίδωσι ἔδω ἐν.
 Ἄπος ερηθῆν ἔλαθον ἀγορεύσας ἀγρὸν.

Latine sonat:

*Ego curo agrum non ut nutriat ipse me, sed ut alimentum à
 me capiat. Nam fodio diligenter ac sero semper, deniq; nihil*

non

DE STERILITATE.

5

non facio ut dem & recipiam. Ille verò capit quidem, nihil autem restituit. Defraudentem imprudens agrum emi. Eæque uxores Lupercis currentibus sese offerentes manns tenderent ut ferirentur. Hanc conjugum sterilitatem pro Themate Inaugurali mihi argumentum selegi, quod ut æquis, Amice Lector; oculis intuearis, enixè contendo. Memor tamen illius Corneliani dicti lib. 6. cap. 18. Difficilem hanc esse explanationem simul & pudorem, & artis præcepta servaturis. In initio statim protestor, me partes illas dum fando denudare debeo, nil aliud intendere, quàm ut id, quod veni, eloqvar, quod enim anatomici sine flagitio lustrant, de eo sine turpitudine me fari posse reor.

THES. I.

Generationis opus Marem Fœminæ junctum absolvere rusticus æquè ac Sapientissimus novit; Nec ulla hodie innocens adeò puella est quæ imprægnationem admissio viro non vereatur, Imò ipsa etiam infantum simplicitas de utroque parente sollicita esse solet. Historiam generationis norunt omnes; scientiam verò perpauci, & cum sterilitatis mentio fit, vix aliud dicunt, quàm vel fœminam innoxie jungi viris, vel virum sine damno misceri fœminis, uti loquitur de eunucho Terentiana Pythias:

At pol. ego amatores mulierum esse audieram eos maximos.

Sed nihil potesse.

Adeò ut licet voluntatis, facti tamen rei non sint. Res itaque ut illa clarius dispalescat & Anatomici & Physiologi suam conferant symbolam oportet. Docet ana-

A 3

tome

tome aortam duos suppeditare ramos, qui obliquo ductu supra uretheres ad ingvina descendant, illosque duas comitari venas, vel ab emulgente vel cavâ ortas, simulque communi membranæ inclusas variè inter se crispari & contorqveri, firmiter à nervis ligari, pampiniforme constituere corpus, alteri testis extremitati annecti & partim hinc ad testem ejusque nervosum ductum, partim ad epididymidem & parastatas distribui & tandem in ductum nervosum penetrare.

E ductu hoc Highmoriano anfractuosos alios egredi ductus, qui contortis fistulis vasculosam substantiam efforment Epididymida dictam, quæ paulatim mutato nomine in parastatas faceſſat, qui postea sursum supra os pubis lati, præparantibusque nexi ejaculatoriorum vasorum nomine innotescant, quæ in extremitate intra suam canalem medullam contineant glandulosam, & vesiculis seminalibus conjuncta in urethram sese exonerent.

Docet eadem, vesiculas seminales, in quarum anfractuosis glandulosæ substantiæ cellulis humor ex albo livescens copiosus asservatur, utrinque suum habere situm inter vesicæ & intestini recti ligamenta, & hiare inconspicuis quibusdam foraminulis eo loci, quo vasa deferentia, in urethram. Ad penis radicem glandulas duas spongiosas quidem, vesiculis tamen seminalibus duriores, perinde cum illis suis vasis donatas, sitas esse, quæ suis poris etiam in eandem hient urethram, quas prostatas dicunt. Per urethram intelligunt canalem illum urinarium à vesicæ cervice ad penis extremitatem exporrectum, quem utrinque duo corpora nervosa fungosæ prorsus carnis, firmissimâ membranâ con-

contecta & innumeris nervulis coërcita, amplecti annotant.

TH. II.

Oeconomia animalis docet aliquot milenos singulis horis cor edere pulsus sive sanguinem toties in arterias intrudi adeoque propelli; quo jam ille angustiores subire debet vias, eò majorem nanciscitur superficiem, adeoque singulis istis ictibus singulæ particulæ magis exponuntur, si jam viarum anfractuosa accedant ambages in vasorum latera impingendo mirè tumultuantur & cruoris mistura turbabitur. Illud jam fiat oportet in corpore varicoso, in quo sanguis quasi ebutyratur, unde observantibus magni nominis Anatomicis circa vasorum horum medium jam spermatis apparet rudimentum, reliquo per venas refluxo sanguine; Quod rudimentum dum solidiusculam testium subit substantiam & intricatam vasorum commistionem, magis atq; magis depuratur atque sic ductum ingreditur Warthonianum, qui illum liquorem jam manifestè spermatikum in epididymidem sibi continuam effundit, inde parastatas subit & tandem per glandulosam medullam quasi filtratur, antequam illum recipiat urethra. Suum etiam contribuunt vesiculæ seminales, per quarum glandulosam substantiam è sanguine transcolatur materia seminalis, dissimillima illi testiculorum, atque sic sudamina illa seminalia in illarum anfractibus asservantur suo tempore in urethram ejaculanda, testium spermaticæ materiæ ut misceantur. Huc etiam faciunt prostatae, glandulæ reliquis duriores, quibus nulla, neque cum testibus, neque vesiculis seminalibus, intercedit commu-
nio,

DE STERILITATE.

9

nervis arterias, quemadmodum & prostatae analogum quid patiuntur, pariq; cum violentiâ subeunt urethram, ubi omnes illæ materiæ spiritibus turgidæ invicem commistæ saltu è balano egrediuntur & feminis nomine jam olim innotuere.

TH. IV.

Fœminarum corpora, docente eadem anatome, aliam ab his exhibent partium genitalium conformationem. Taceo jam vasa spermatica præparantia, quæ licet magnitudine & insertione à virilibus differant, numero tamen ortu & officio cum iis virorum se perinde habent. Testes muliebres sunt, qui considerari merentur, illis enim virorum toti disimiles sunt; nolo jam minutias quaslibet attendere, cum anatomicam descriptionem hic non profitear: Toti illi ex glandulis ac vesiculis, sua vasa sanguinea habentibus, coagmentati sunt, adeo ut verè Ovarium dici mereantur. Et cum Clariss. Malpighius de pulli formatione in ovo p. 4. pulli stamina in ovo præexistere. Schvammerdam. de miraculo naturæ, nigrum illud punctum, quod in ovis ranarum videre est, ipsum ranunculum omnibus suis partibus absolutum esse, observaverint. Excell. verò Kerckring. Antropog. Ichnograph. c. 1. Ovum humanum c. verò II. trium dierum fœtum asservet, nihil obstat, quo minus omnia totius fœtus membra in iis mulierum delineata esse affirmemus. Deferunt illa ova flexuosi brevesque ductus uteri fundo adnati Tubæ Fallopii. Uterus verò ipse substantiæ est membranosæ, cujus totum corpus copiosæ arteriæ & venæ aliæque perreptant vasa; cavitatis desinit in orificium uteri interius angustissimum,

B

quod

quod excipit oblongus spongiosus, nervosus canalis, sinus pudoris dictus, qui tandem in magnam definit rimam seu muliebre pudendum, cujus superiorem & anteriorem partem cœstrum Veneris, clitoris seu tentigo ex duris spongiosis & porosis composita corporibus munit. Dum igitur inter lacertos viri fœmina fervet, pariter ad ea membra, quibus cupita obtentura sperat, in majori copiâ spiritus determinantur, quos recipientes corpora clitoridis spongiosa intumescunt & illud veneris antrum coangustant, eo modo genitale viri pressatum incalescit, & dum arietat nerveæ mutonia fibrillæ titillantur atque sic omnibus impetuosè agentibus saltu semen prorumpit, uteri cavitatem subit, & cum totum spirituosum sit per aperta uteri spiracula & poros circumjacentes contingit partes, & ad instar fermenti ova inquinat, quæ exsoluta per Tubas Fallopii in uterum deposita, ibi vegetantur, tandemque mater virum pulchrâ prole facit parentem, suaq; facit verba gravidæ ad militem scorti apud Comicum:

Salve

*Qui me interfecisti pene & vitâ & lumine,
Quique vim magnam doloris per voluptatem meam.
Condidisti in corpus etiam quo nunc morbo misera sum.*

TH. V.

Cum verò ab omni ævo constet, plurimos sterile expertos fuisse conjugium atque exoptatâ frustratos fuisse prole, in causas hujus obstaculi animum induxi ut inquiram. In lacris inter magnifica Dei promissa in præ-

præmium obedientiæ erga Israëlem reperitur, quod nulla sterilis in populo sit futura. Quando Deus cum Abramo pepigit fœdus, Abrahamum fore promisit, ejus Uxor non amplius Sarai, sed Sara appellari debuit, & omni benedictioni ferè seros addidit nepotes. Docet idem Codex occlusisse Deum cum omni familiâ Abimelechum quòd Saram domum duxerit: Quod Davidem irriferit Michal, sterilis mansit; Ducat quis vel patruum vel fratris uxorem, perpetuæ sterilitatis maledictionem subibit. Imò quid in sacris frequentius, quàm, ut ex sterilibus fœcundæ fiant, preces supplices. Sterilitatem detestati sunt quotquot è gentibus fuère sapientiores; hinc lex Solonis juvenem, in uxoris ventulæ domo pingvem factum (ut ferunt perdicibus à coitu accidere) ad virginem viri indigentem, transferri jubet. Plutarchus in Solone. Permisit Lycurgus leni, qui uxorem ætate integrâ habebat; si quem honestorum ac virtute præditorum juvenum probaret, eum ad suam conjugem introducere, cumqve is eam generoso semine implevisset, prolem inde prognatam suam facere: Plutarch. in Lycurgo. Eâ de causâ Cato Martiam Uxorem Hortensio, Socrates Xantippen alii dedit, atqve alii id sæpè factitarunt. Alex. ab Alexandr. Genial. dierum libr. I. c. XXIV.

Causas igitur exosæ adeò ac contemptæ sterilitatis naturales, de illa quippe, quæ iræ divinæ fuit effectus, in præsentiarum altum filebo, indagaturus, quales deniqve ex utriusqve sexûs conjunctione deprehendantur, quid illæ sperare jubeant, & breviter quomodo iis medicina faciendâ sit, videbo.

TH. VI.

Singula membra suis usibus in corpore hominis destinantur, totidemque sunt diversarum actionum organa. Membrum virorum primario imprægnationi destinari suspirati amores & matrimonii solennia testantur. Vel prorsus defint, vel mutata sint illa organa vel malè conformata, tunc prorsus non, vel non ritè operabuntur. Cuidam à nativitate glandem penis non fuisse perforatam, sed circa testes foramen, per quod urinam reddiderit, habuisse, notat Amatus Cent. I. Cur. XXIV. Qvendam in Polonia degentem, cui in extremitate glandis vestigium saltem foraminis, foramine ipso infra glandem existente, qui in conjugio vivat sterili in Ephem. Germ. Anno IX. & X. notat Cl. Polifius. Ulcus in urethra, à veretro filo sericeo constricto ortum, per quod urina excernebatur, habet Wepferus Ephem. German. anno III. observ. CLXVII. Sunt & alia penis vitia, quæ, quò minus suo fungatur officio, impediunt. Virgam alii habent brevissimam; memorat Forestus lib. xxviii. Observ. LVII. de mulierum morbis, se pistorem novisse, cui penis à naturâ adeò brevis, ut pollicem non excederet, nec unquam genuisse. Mentulam totam de repente ad interiora retractam, ut nec quicquam de pene apparuerit, videtis in Ephem. German. Anno IV. & V. observ. CLV. A Gangrænâ penem absumptum, ut vix unius digiti articuli longitudo superfuerit, observavit Hafniæ Th. Barthol. Hist. Anat. Cent. III. Hist. XXVII. Basileæ Anno M DC LIX. tubicini cuidam Lithotomus membrum virile cancrosum superstite ægro feliciter circa radicem detruncavit. Bartholin, Epist. Medicin. IX. Cent.

IX. Cant. III. His uti curta nimis suppellex & res est angusta domi ita alii liberalem nimis experti sunt naturam. Memorabile est, quod refert Th. Barthol. Epist. Medic. X. Centur. III. *Quum nuper pagum Selandia nostra Baarup transirem, iter meum remoratus est homo miser stipem rogans, qui herniâ se laborare querebatur. Propius accedere jussus, horrendum ex caligis producit membrum, quò vir erat. Scrotum enim cum pene in unum corpus informe quasi coaluerat tam vastum, ut tres spithamas æquet longitudine, unam crassitie, speciem maxima cucurbitæ referrens, venis tumidis variegatum. Ad latus foramen patet, per quod lotium emit- tit, quod umbilicum credidi cum primùm viderem: quæ suspi- cio evanuit viso in superiore parte umbilicò vero. Quoties lo- tium reddidit, informe hoc peculium universum ex gremio suo prodire jubet, ne se commingat. Ita reminiscor, me vidisse conditionis virum inferioris, Mühlhausiæ Variscorum incolam, cujus membrum, quo viris annumeratur, tan- tâ erat vastitate, ut eqvino magnitudine parum cede- ret, quare etiam uxor ejus, cupiditate prolis inflamma- ta, divortium per viam juris ob impeditam venèrem urgebat seriò. Analogum in commodum incurrunt ni- mium obesi. Prodedit enim Laur. Valla Libr. II. hist. Martinum Arragonum Regem ductâ juveniculâ uxore, Margaretha Petri Comitissæ Pratenfis filiâ, nulla Medi- corum arte, nullisque machinis, administrantibus licet matre aliisque matronis, licet viri quoque aliquot Re- gi fuerint ab auxilio, qui ventre quasi appensum per fascias à lacunari pendentes, quibus proni ventris tu- mor prohiberetur, demitterent eum sensim in gremi- um puellæ ac sustinerent, puellam potuisse deflorare. Huc etiam ii referendi, qui propriè impotentes dicun-*

tur & penem vel prorsus non, vel non sufficienter, vel non satis diu erigunt. Impotentem fuisse Carolum Crassum Imperatorem, Richardis ejus conjux, integritatem suam obstetricibus & mulieribus honestis explorandam concedens, ostendit. Constantium imperatorem ad coitum segnem fuisse, Cuspinianus prodidit. Viri cujusdam eruditi imperfectam venerem sæpius doluisse Dominum Præsidentem novi. *Sic memini aliquando me in consilium vocatum apud hominem uxoratum, pene satis crasso & testibus crassiusculis praditum, ineptum tamen ad conjugii munia obeunda, imprimis ob defectum sufficientis ac satis diu perseverantis erectionis in pene, ait Franc de le Boe Sylv, Prax. Medic. append. Tract. V. §. 498.*

THES. VII.

Hos omnes manere ineptos thalamo torive rebus, historia generationis docet. Certum quidem est pro fceminæ libidine uteri vaginam jam longiorem, jam brevior, latior, vel angustior, in congressu fieri, sed quomodo illa colem amplexabitur, cum vel nullus est, vel adeo brevis, ut vix labra exosculet, vel tantæ vastitatis, ut ingredi nequeat? Qui semen illud uterum fecundabit, quem ob foraminis obliquitatem non ingreditur? Extat, fateor, in Ephem. German. Anno III. Obs. XCVIII. glandis non rectè perforatæ, qui tamen sex liberorum fuerit pater, exemplum, sed forsitan illa obliquitas tanta non fuit, quin illam vehementior feminis ejaculatio, membri longitudo aliæve compensarint circumstantiæ. Obstruatur nervus ut spiritus influere in spongiosa nequeant corpora, fit paralysis, nec erigetur membrum, & licet eductio urinæ non impediat,

diatur, impeditur tamen feminis, id observante Aëtio L. VI. c. XXXV. & notabilis observatio Ephem. Germ. Ao. III. Obs. XLI. id omnino stabilit. Deficiant iidem in corpore spiritus vel propter morbum, unde faustum in declinatione morbi membri virilis erectio signum esse solet; vel aliam quamcunque causam; vel licet adsint, non influant, uti contingere novimus in pudore, metu, aliisque vehementioribus animi passionibus, flaccidus ille penis Rosam non exosculabitur.

De Fascino nihil addo, sed mea facio verba Hier. Mercurial. Lib. IV. c. 1. Med. Pract. *An autem faciant incantamenta & muliercularum veneficia hanc impotentiam, neque affirmare neque negare audeo. Non affirmo, quia nullus probatus scriptor, neque ulla ratio persuadere potest. Non nego, quia & multa experientia sunt, & canones & leges id fieri posse videntur statuere. Itaque in incerto rem hanc relinquo.*

TH. VIII.

Varia ludentis naturæ miracula viscera hominum scrutantibus indies sese offerunt, illam enim jam in defectu jam excessu peccare videas, jam datâ quasi operâ id agit, ut ludendo nostram exercent industriam & pertinacem fatiget solertiam. Id luculenter observo dum ad interiores generationi dicatas partes progredior. Quatuor notavit arterias spermaticas Excellent. Kerckring. Spicil. Anat. Observ. 32. Illarum totalem defectum in cadavere suspendio necati Argentinæ observavit Sebizius Eph. Germ. Ao. IV. & V. Observ. I. Visum fuit utramque aliquando arteriam præparantem defuisse ait Cl. Bauhinus Anat. lib. 1. c. 25. His annexis testes à primâ genesi nonnullis desunt, qualis Dorotheus Antioche-

tiochenus Præsul fuisse dicitur. Atten Calai Phrygis filium ad venerem planè inutilem editum à matre fuisse, elegorum scriptor Hermasianax versibus prodidit. Atyr teste Arnobio lib. V. contra gentes testes sibi ipsi amputavit. Semiramis affirmante Cœlio lib. 13. cap. 29. teneros mares castravit. Phocam Imperatorem ab Heraclio & Niceta castratum legimus. In herniis intestinalibus uterque aliquando resicator testis, unde Ursinos celeberrimos in Italia castratores appellat Schultetus Armam. Chirurg. Tab. XL. fig. VIII. Afficiuntur testes tumore duro scirrrosoq; , apostemantur iidem, patiunturque ulcera, & quot non aliis obnoxii malis, quæ ipsos inutilia reddunt corporis pondera. Errores & defectus illi, sive natura sive ars illos causet, marem omninò ad procreationem reddunt inidoneum; Desint vasa præparantia, nisi illorum defectus aliis vasis suppleatur, quod vide sis Eph. Germ. Ao. III. Obs. 113., spermaticus non ebutyratur liquor, nec sperma erit prolificum. Desint vel malè effecti sint virilitatis testes, idem omninò manebit incommodum, per quas enim vias semen ad urethram derivabitur? Unde etiam Phavorinus inter tria illa miracula, quæ de se prædicabat, quòd Eunuchus mœchus putaretur, referebat. Adulterii pœnas, quas justas luere debebat exsectis testibus, ut falsitatis accusatores argueret, Hermannum Wolfratgem epugisse testatur Wierus de Præstig. Dæmon. L. IV. c. 20. Adeo ut quoties in necessariis natura deficit instrumentis, toties etiam suo munere defungi ritè nequeat.

TH. IX.

Intueamur jam ipsum, quod emittitur, sperma illiusque varia peccata. Suumquemque contribuunt vasa de-

fa de-

sa deferentia, vesiculæ seminales & prostatae peculiaris consistentiæ & qualitatibus liquorem, qui, dum in urethra miscentur, semen constituunt fecundum; debet enim id fermenti subire vicem, ut contagio inquinat ova, adfit igitur oportet certa constituentium particularum proportio, misceantur igitur omnes illi tres liquores, & si alteruter deficiat, cassum id erit. *Observatio Chirurgorum, qui lithotomia operam navant, hoc ipsum confirmat, nempe illos, quorum prostata in calculi majoris & asperi extractione multum lacerantur, steriles & infecundos in posterum evadere; fortè ex laceratione hæc callus ipsi loco effluxus materia seminalis à prostaticis in urethram inducitur. Verùm iidem quoque observant, scdros, quibus vesiculae seminales ex lithotomia similiter dirumpuntur, ineptos etiam ad generationem reddi. Unde sequitur tum prostaticas, tum vesiculas seminales ad generationem efficaciter concurrere & utramque in hunc usum materiam sui generis preparare. Warthon. Adenograph. cap. XXXI.*

Eunuchi & spadones propter impotentiam infames sunt, sunt tamen illi nocturnis pollutionibus obnoxii, qualem Italum Hafniæ se novisse dicit Barthol. Epist. LXIV. Cent. III. Infecundi, non aliâ de causâ quam quòd testium latex cum reliquis non concurrat. Quin imò illi liquores copiosis esse debent distemperati spiritibus, qui propter nervos & plexum Fallopii obstructos cum abfuerint, id fit aqueum. Cum vasa sunt pauca vel nulla fit nullum. Dnum, de la Saute licet cum membri tentigine coeundi desiderium teneret, nullum tamen is semen effudit, quod semen in lapides transierit. Blegny Zodiaci med. Gall. Ao. LXXX. mens. Mart. Color,

C

Color,

Color, odor, acrimonia aliæve qualitates vitiatæ totidem vitiosi seminis sunt indicia. Coloris mutati notabile exemplum est Ephem. German. Dec. I. Ao. I. Obs. LXIII. *Interim observat ille in congressu cum uxore semen effluere nigrum atramenti scriptorii instar sine noxâ, quod semen ipse vidi, quod tamen successu temporis & medicamentorum ope mutatum, ita ut intra annum epatis colorem contraheret, tandem paulatim post duos vel tres annos flavesceret & paulatim albescere cœperit, non pervenit tamen ad illam albedinem unquam quam antea habuit.* Nec immeritò causam sterilitatis rejicit in semen virile juvencula illa formosa, cujus mentio fit in Ephem. Germ. Dec. I. Ao. III. Observ. 232. acredo enim feminis est, quæ illam tantis afficit anxietatibus & infimi ventris cruciatibus. Sinibaldus L. III. Geneantrop. Tr. I. cap. 12 narrat quendam à pharmaco irritante excitatum unâ cum semine vim purgantem in meretricem transfudisse. Et quis omnes circumstantias determinare auderet? Inter qualitates vitiatas non infimi subsellii est quod habet Casp. Cald. de Heredia Trib. Med. Mag. Stat. VII. art. 3. dum inquit: *Aliud seminis vitium observavimus, quod fortè prætermiserunt alii: Totam nempe seminis substantiam in flatuosos crepitus converti: Solent isti ad coitum esse valde potentes: Sed quo tempore erat semen cum delectatione emittendum, emittunt crepitus & flatus; & quidem non absq; delectatione; hoc se pati à quadam muliere audiui. Et virum novi qui hoc idem patiebatur.* Quæ omnia cum à minimis dependeant, & particularum situs, motus, figura, coloris, odoris, aliarumve qualitatum mutationem inducat, non nisi præsens & prudens Medicus omnibus ponderatis solidum & eru-

ditum

ditum feret iudicium; minimæ enim hæ differentia in certos redigi nequeunt ordines.

TH. X.

Variam circa virilia ludentis naturæ vidimus industriam, non minori solertiâ in muliebribus quandoque aberrat eadem. Montes sine valle inter non-entia hætenus relati; sine valle tamen quandoque monticuli conspiciuntur veneris. Aretas volo, quibus à natiuitate imperforatus vulvæ est meatus, qualis fuit obstetricis Alkmarianæ filiola, cuius pinnacula sibi cohærebant, reliquâ faltem parva, per quam lotium reddebat, rima; teste Foresto Obs. Lib. XXVIII. Observ. LV. Coalescit eadem rima ob exulcerationem penitus, ut ne vestigium quidem foraminis appareat, aliquando phymosi relicta angustum adeo fit foramen, ut virum admittere non possit; quod se vidisse ait C. Bauhin. Anat. L. I. c. XXXIX. *Quod cuidam, inquit, ex partus difficultate hæc parte læsâ accidisse vidimus, ut cum curam illius, pudore impeditâ, natura committeret, luxuriante carne, os illud cervicis uteri, adeo occaluisse, ut ne menstruis quidem pateret effluxus, & cicatrice spissâ, sicuti postea sectione post mortem illius, quam viva ferre volebat, deprehendi, profundè admodum & penitus oblitteratum fuisse, Fel. Plat. Prax. Medic. Tom. I. cap. XVII. Lipsiæ MDCLXII. observata est excrescentia carnea interiori colli orificio adnata, illum adeo exactè claudens, ut nullum semen uterum ingredi potuerit Ephemer. German. Cent. I. Ao. II. Observ. 208. Rarò quidem sed aliquando tamen deesse illud scribit Th. Barthol. Anat. L. I. cap. 29. Subinde etiam alia oboriuntur obstacula, quæ, quo minus mas sceminam in-*

C2

gre-

grediatur, impediunt, quod in natura nimis arctis contingit. Impedit & illum quandoque clitoris, quam colli anserini crassitiem & longitudinem æquasse Platerus vidit, cumque in istis subigatricibus in coitu turgeat ad instar erecti penis, viri impedit congressum; quare etiam illæ tribades lubentius mulieribus quam viris miscentur. Claustrum virginalis ut mentionem faciam, non opus erit, appositè Getæ Terentiani huc quadrant verba:

- - - *Prima coitio est acerrima:*

Si eam sustinueris, post illa jam, ut lubet, ludas licet.

Quæ omnia talia sunt ut aggerum instar à feminis inundatione uterum defendant; arcent enim penis introitum, vitaleque nectar foras esse jubent. Extat, fateor, apud Riolanum historia mulieris, quæ ex difficili partu partes genitales laceratas habuerat, cujus nymphæ & quatuor carunculæ tam arctè coaluerant, ut vix specilli cuspidem foramen admitteret, & nihilominus conceperit. Imò observatio Henr. Mœnichen XIII. dum Bartholino ita scribit: *Puella Romana à primo ortu clausa, nisi quod exiguum esset foramen, vix pisum capiens pro urina ac menstruorum egressu, assiduè amasii precibus commota ipsius libidini nimium dedit, rata nullum conceptionis periculum futurum, quippe cujus vulva labia à nativitate conjuncta & unita penem non admittebant. Caterum fricationis hujus debitas dedit poenas, ex ipso præter spem & opinionem gravida facta: contrarium docere videtur. Omnibus ponderatis circumstantiis, maximos amasius debuit egisse cuniculos, ipsaque ictus intrepidè excepisse puella, quod semper nitamur in vetitum & negata cupiamus; hic propter honestatem alios illicitæ libidinis ut taceam modos. Audaces*

daces fecit sceleris impunitas & ex proverbio: Quem sæpè transit casus aliquando invenit; Vanos quos credebatur arietantis proci ictu pruriens puella cum æstu excepit, adeoque forte fortuna quid spumantis istius fermenti totus hians avidus excepit uterus, & sic justas libidinis in corpus recepit pœnas. Sed rara à generali regulâ exceptio est.

TH. XI.

His superatis difficultatibus, quid rerum in utero agatur dispiciendum. Quanta non sentina oppidò occurrit, viscida & pituitosa materia illum sæpe replet, alia ipsius dum obstruit poros, vaporum impediendo transitum, flatibus illum distendit, acris materia variis ejusdem convulsionibus sæpè dat ansam; in cadavere hystericæ Mannagetta uterum materiâ, caseo recenter coagulato haud absimili, turgidum reperit, Ephem. German. Dec. I. Anno 1. Observ. 32. ipsius uteri substantiam totam cartilagineam refert Cnöffelius Ephem. Germ. D. I. Ao. IV. & V. observ. 57. Uterum substantiæ partim scirrhosæ, partim glandulosæ, putridâ & nigricante materiâ adimpletum vidit Regnerus de Graef Ephemer. German. D. I. Ao. I. observ. 128. Scirrhosum deterrimi odoris pure repletum Tudecius Ephem. Germ. Dec. I. Ao. IX. & X. Observ. 176. Totum scirrhosum, ut cultro quamvis acutissimo non nisi vi discindi potuerit, Scholtzius Ephem. German. Dec. I. Anno II. observ. 60. Uterus totus quandoque computrescit, vel hydropi obnoxius est, ipsius cervicis amplitudo nimia quandoque est; menstruorum fluxus aliquando nimius est, nonnunquam nullus; sunt illa propter cacochymiam pituito-

fam interdum alba. Sit uterus pituitâ, materiâ acri, purulentâ, caseosâ, aqvosâ, flatulentâ, repletus, sterilis ager erit, qvi semen immiffum suffocabit, corrumpet, destruet, dissipabit. Sit ille scirrhusus, cartilaginofus, putridus vel semen inqvinabit, vel contagiofa ipfius effluvia deprimet. Sit nimius menftruorum fluxus, fit nimius fluor uterinus, eluent virile fperma, vel fi ovum ab eo fœcundabitur, id per vias, quas fecere lubricas & hiantes, fecum educent. Sint illi jufto pauciores, uteri obftructionum malorumqve in eo humorum luxuriæ indices erunt. Hiet nimium, per patulum id foramen fpiritus diffipabuntur, semenqve vix ingreffum effluet denuo. Confirmat id Hippocrates fect. V. aph. 62. *Quæ frigidos & denfos habent uteros, non concipiunt. Et quæ præhumidos habent uteros, non concipiunt: Extinguitur enim genitura in ipsis. Et quæ plus aquo ficos & adurentes, nam alimenti defectu semen corrumpitur.* Et libro de Sterilibus: *Mulier menfibus omninò non prodeuntibus non concipit, vel paucioribus quàm debet, vel pluribus quàm oportet, vel ulcerata in utero.*

THES. XII.

Uti viris, ita & mulieribus fui funt testes, nechi illis minoribus premuntur incommodis, funt enim & illæ eunuchæ. Lydorum Imperatorum Gygen *γυναικας ευνυχιστας*, id est, *Mulieres eunuchas feciffe, ὅπως ἀβλαβῆς χεῖρο ἀσὶ νεαῖς ὄναις ut illis perpetuo tanquam etate florentibus uteretur* ex Libr. XIX. c. 29. Cœly constat. Johannes ab Effen, quod corporis ufuram alicui filiam fuam concedere opinaretur, violenter uterum eidem, quemadmodum pecori folet, exfecat, conceptioniqve porro inidoneam

neam fanat. Wier. de Præstig. Dæmon. L. IV. cap. 20. Hydropem tubæ Fallopii notavit Blegnii Zod. Medic. Gall. Ao. LXXX. p. 60. Illorum vaforum quandoque observatus est defectus, scirrhi, obstructions, aliavè præternaturalia; Possunt esse ovarum tunicæ nimis crassæ, vel illi, qui per succubarum nervos ad uterum confluunt, spiritus aqvosi. *Imperfecta Venus est, quando in congressu aliqua nullam aut exiguam voluptatem sentiunt: Prasertim si hoc, non illis, quæ nimio illius usu satiata eam aliquamdiu non currant, sed his, quæ temperatè eâ alioquin nonnunquam utuntur, accidat: Aut etiam perpetuum quibusdam sit, sicuti multis annis durante matrimonio, tres non plus delectationis aut sensus in coitu, quàm ex contactu externo alioquin fieri solet, percepisse ex maritis ipsarum consilium à me petentibus, cognovi.* F. Plat. T. I. cap. 17. Prax. Quæ cum ita sint, sole meridiano clariùs est, sterilibus annumerandas esse. Cùm enim resecantur ovaria, omnia auferuntur futuri hominis rudimenta, ablatum est germen, è quo spiritus feminis virilis hominem progerminare facit. Impediant hydrops, scirrhus vel alia, quò minùs ovum inqvinatum utero committi possit, corrumpetur. Sit ovi ipsius tunica crassior, quàm ut contagiosum spermatis virilis fermentum id inqvinare possit, erit illud subventaneum. Sint per nervos influentes spiritus sale volatili orbatì, fermentationem potiùs destruent quàm adjuvabunt, & sæpe sæpiùs infœcundæ erunt.

TH. XIII.

Sunt & aliæ utriqve sexui communes causæ, si videlicet juvenes nimis veneris adscribantur militiæ, qualis fuit Quartilla, quæ in Fragmentis Arbitri Petronii inquit:

inquit: *Funonem meam iratam habeam, si me unquam meminerim virginem fuisse. Nam infans cum paribus inquinata sum, & subinde prodeuntibus annis majoribus pueris me applis cui, donec ad hanc ætatem perveni. Coitus enim immaturus, malitiã ætatem supplente, dum instrumentis generationis vim facit, ulteriori ministerio reddit inutilia; ampliantur nimis tenellula illa vasa, pori destruuntur, totaqve eorum turbatur œconomia; rumpuntur alia, quod damno suo experta Andronici Palæologi Imperatoris Filia octo annorum, cujus matricem Crates Triballorum Princeps adeo læsit, ut foetum nullum edere potuerit. Delasset coitionis frequentia virum, spiritibus exhaustis vappa succedet seminis exceptoq; nomine id retinebit nihil, quale sine dubio fuit illud quod mœchus ille Lipsiensis lassato prostibulo excepit pelvi. Frid. Hoffman. Clav. Pharmaceut. Schröd. L. IV. Sect. II. §. 420. Multum fundus atteratur meretricum, &*

- lassata viris nec dum satiata recedat

Messalina:

Superet illa Lyciscam quinto ac vicesimo concubitu Plin. L. XIX. cap. 62. Ad clepsydram concumbat scortillum Metich. Athenæus lib. XIII. c. 8.

Des Cattis, des Germanis, des Cœlia Dacis:

Nec Cilicum spernas Cappodocumq; toros.

Ad perpetuam vos proscenia damnata estis sterilitatem. Destruunt se tot generum fermenta, ut nihil minus sint quàm talia. Dum hoc imprægnat ovum, insequere is id rursus destruit, aliaque se successivè insequentia, dum cum invicem luctantur, stamina illorum conturbant & subventanea reddunt. Ut taceam partes continuo attritu callosas & nimium fieri patulas.

TH.

TH. XIV.

Vitia hæc cuilibet sexui sunt peculiariora, evenit tamen quandoque ut Vir & Fœmina, cum aliis fœcundi, in sterili tamen vivant conjugio. *Est quædam privatim dissociatio corporum & inter se steriles, ubi cum aliis junxere, gignunt: Sicut Augustus & Livia. Plin. Libr. VII. c. 13.* Et toto die experimur, quosdam ultra decem vel plures annos steriles in matrimonio cohabitare, ac deinde absque ullis remediis fœcundescere. Breviter ad historiam generationis respicientibus liquet, illam totam fieri, quod spiritus feminis virilis ovaria mulierum subeundo in aliquo ovorum fermentationem excitet in puncto saliente primùm conspicuam, vi cujus paulatim fœtus emergant membra. Chymia docet inter fermentum & rem fermentandam analogiam intercedere debere, aliàs enim illa vel planè non, vel imperfectè fit. Instilles urinæ, liquori isti falso, acidus salis vitrioli & nitri &c. spiritus, & nihil efficias; illam leniter turbaturus, sal tartari injicias, quam aluminis solutio dictum factum maximè turbabit. Imo neque hoc sufficit, sed justa quandoque requiritur proportio, quod planè ostendit spiritus vini aquæ forti mistus, unde notabilis oritur incallescencia; sed observante Dno. Grevv nihilo magis efficias si spiritus vini ad aquam fortem portio sit tripla, quam si aquam fontanam affunderes; sin verò sex spiritus vini octo aquæ fortis addas partes, subito magnâ vehementiâ effervescent, referente id Dno. Blegny in Zodiac. Med. Gall. Anno M DC LXXX. mens. Martii. Cum intercedit conjuges discrasia, sive spiritus viri prolificus ad fœminam collatus fermentum non est, sive

D

requi-

requisitâ proportione caret, hos omnino destituere pro-
 les debet. Atque ita fœmina vel prorsus semine rece-
 pto nihil percipit, vel aliquas sentit alterationes. Ita
 Dnus Præses aliquando à pari conjugum in consilium
 vocatus, qvi cætera sani, in quem sterilitatis culpa re-
 tundaret, sciscitabantur, retulitqve uxor se semen viri
 quidem recipere & aliquamdiu retinere, sed illud tam-
 diu in matrice tumultuari, donec denuò effluat. To-
 tum illud vitium in disproportionato consistit semine,
 quod quidem aliqualem efficit fermentationem, non ta-
 men sufficientem, unde illæ uteri turbæ. Et hinc cau-
 sam deduci posse autumo, qvi fiat, quòd quædam vira-
 gines Lucinæ opem implorare nunquam necesse ha-
 beant; Cùm enim illæ ad virorum accedant naturam,
 id est fermentationes illis virorum analogas habeant,
 ineptæ prorsus sunt ut à sibi simili fermento alterentur.
 Nec difficile jam determinatu erit, cur aliquando cer-
 tis annorum periodis discrasia talis circumscribatur;
 communis quem hauriunt aër, eadem victus ratio, u-
 triusque corporis continua effluvia, concubitus quoti-
 dianus & alia multùm valent alterandis corporibus, ab
 illis maximam partem temperamentorum dependet
 diversitas, quæ uti continuè, si diu, agant quantæ sint
 efficaciam in Physiologicis mediocriter versati norunt,
 unde quo minus sunt proportionata longiori tempore
 opus; quo magis verò, breviori; si verò toto ab invi-
 cem differant cœlo, nulla ætas sufficiet; Sed hic termi-
 nus esto indagationi causarum, me enim plurimas illa-
 rum jam vel extremis delibasse labris puto, nec illas,
 quas non tetigi, tales fore spero, ut cuidam ad antece-
 dentia attendenti crucem figere potis sint: Si verò ta-
 les re-

les reperia B. L. scias, me tam arrogantem non esse, ut latissimos naturæ errores hujus chartæ angustiis includere præsumam.

TH. XV.

Pauper vel nimis amplum peculium suo se prodit indico; sensibus foraminis apparet tortuositas, ut & nimia corporum vastitas; Langvorem & impotentiam maritorum te uxorum docebunt quærimoniam. Testiculorum convulsio, paralyfis, tumor, ulcus, absentia, latere nequeunt. Si lapis chirurgia extractus sit, ex relatione constabit. Seminis illegitima mixtura è suis fontibus petenda. Vasorum verò spermaticorum defectum, malefactam conformationem vix arte ullâ imò vix probabili conjecturâ indagabis. Si imperforatæ clausurâ externi pudendi orificii laborant vel nimis arctæ sint res plana est. Cervicis coalitum Hannibal ante portas animadvertit. Interioris orificii uterini oppesulationem, vel obstetricis digitus aliquando explorabit, vel si semen virile à coitione statim denuò effluant, conjecturam illius facere licebit. Uteri scirrhum, hydropen, tympaniam, obstructions, ulcus, nimium mensium fluxum vel defectum, intemperiem, propria quævis capita docebunt. Seminum utriusque conjugum improportio, nisi aliunde illorum fœcunditas constet, difficillimè cognoscitur, nisi ex diversis temperamentis artificiosè aliquid conjecturare velimus.

TH. VXI.

Si Prognosis instituenda sit: absentia necessario requisitorum omninò desperare jubet, & longior à naturali

D₂

turali

turali conformatione recessus, difficiliorem reddit prognosin. Pendet etiam illa à morbis, qui, quo minus conceptus fiat, impediunt. Quos cita nimis venus corripit vel nimia enervavit, ponderato excessu cum naturali constitutione demum de iis pronunciabimus. Si orificium pudendi claudatur facile curatu est, si à membrana id fiat; sin verò illa coalitio sit profundior caroq; coaluerit, difficilior est. Interius verò orificum si occupaverit, incurabilis. Inter quos Coniuges discrasia naturalis intercedit, de iis nequaquam desperandum. *Sic novimus mulieres, inquit P. Forest. Obs. LVII. lib. 28. alias sexdecim annis viris copulatas, alias octodecim annis quasi steriles tunc prius concepisse. Ita novi & honestam matronam, qua cum ex primo viro non concepisset, postea alteri valde fecundo nuptam, neq; tunc fecunda fuerit: Verum tertio marito copulata, tunc demum concepit.*

TH. XVII.

Ad curam dum propero, singulis causis si peculiarem dare vellem, non dissertationem, sed volumen integrum coacervarem; Petantur igitur illæ ex propriè talem & huic soli malo occurrentem brevibus delineem. Cum aliqua sint conformationis vitia arte corrigibilia, iis primum medicinam faciamus. Scio quidem nonnullos brevi nimis virgæ opitulari velle, illam aliquoties de die abluendo aquâ calida decoctionis piperis, sinapios, pyrethri, illam ad rubedinem usque fricare, calidis postea inungere oleis & ex ammoniaco & pice denuò imponere emplastrum. Sed licet id forsan in juventute alicujus possit esse efficaciam, cum autem ad *ἀκμὴν* pervenitum inutile erit, & si quid agat latius, non lon-

longius membrum reddet. Quomodo labra vulvæ agglutinata refecet, fœminam resupinando, ita ut crura ad summum ventrem contracta habeat, femora verò inter se disparata & vinculis idoneis ulnas ipsius ad poplites & cervicem deliget, apud Hier. Fabr. ab Aqvap. videre est. Si vaginæ latera coaluerint, cicatrice jam obducta, vix sectione, ut ut adhuc satis periculosâ, tutius habebis remedium. Strictis alia, alia nimis patulis competunt remedia. Illæ humectantia, emollientia, laxantia in semicupiis, linimentis, pessariis &c. requirunt. Harum hiatus austerea & adstringentia, sed blanda, qua interna, qva externa, qvantitate parvâ & repetitis vicibus, subinde medicamento mutato, adhiberi debent. Aut si ab alia oriatur intemperie vel morbo, ille aufendus, nam causâ sublatâ cessabit effectus.

TH. XVIII.

Penis erectio nulla, non sufficiens vel non satis diu perseverans à defectu cum spirituum animalium orientur, illi succurrendum. Erectio si nulla fiat ob vasorū spiritus advehentium defectum, curæ expers est. Si verum propter eorum vasorum paucitatem sufficientes non possint deponi, frictione blandâ & frequenti & aromaticorum linimentorum inunctione vasorum ampliationem tentare debemus. Sin verò à spirituum in massa sanguinis defectu hæc orientur incommoda, volatila, oleosa, omniaqve aromatica & camphorata illum refarcient & intus & extus adhibita. Illa tamen præprimis adhibebimus, qvæ rationi ministrans docuit experientia: dum langvescens illa venus suppetias à medicamentis accipit, grata conjux blandè excipiat maritum,

D3

tum,

tum, ignavas demulceat partes, nec osculis parcat, quibus joci salesque misceantur. Imò quantum in me est, non repugnarem, si partium istarum ignaviam non nemo eodem, quo Cœlius Lib. XI. c. 15. ex Joh. Pic. Mirand. L. III. contra Astrologos, refert dum inquit: *Non multis abhinc annis vixisse quendam, in venereis ingenii stupendi maxime compertum est: qui, quo pluribus affectus fuit plagis, eò impetuosius in concubitum ferebatur. Proinde magnis se precibus disflagellari exposcebat, pridie quam id pateretur, flagello aceti asperitate indurato. Quod si conerberator lentius agere visus, velut exstimulante rabie conviciis incessabat: nec factum sibi satis arbitratur, nisi inter cadendum sanguis sese ostendisset: sibi excitari desideraret modo. Optarem potius, ut furtivæ veneris alumni ad unum omnes eomodo strigillarentur.*

TH. XIX.

Cum qualitatibus semen peccat, iis obviam eundum. Sit acre nimis id acrimoniam demulcentia & acida corrigent, cujus rei notabile habet exemplum Timæus L. III, cap. 32. de Musico in venere insatiabili, cui illam nitrum adeo extinxit, ut postea vix propriæ suffeceret uxori. Requisita non adsit copia, locupletent illius penum multo succo lacteo chylolo turgida medicamenta. Sit aqueum nimis ut sine titillationis sensu effundatur in orgasmo venereo, ambra, zibethum, semen erucæ, cardamomum, aliave sale acriori prædita stimulum inducant. Aliæ v. feminis discrasia, cum ex M.S. in temperie oriantur, illâ correctâ sponte cessabunt.

THES. XX.

De discrasia nihil determinari potest; attentè meditari debemus, quâ temperie quisque conjugum gaudet,

DE STERILITATE.

31

deat, eoq̄ve eniti, ut medicamentis, q̄voad possumus, illas faciamus sibi similes, vel alterutri vel utriq̄ve conjugum facientes medicinam, juxta cujuslibet temperamenti indicationes.

TH. XXI.

Quamvis Diæta maximi hîc fit momenti, in præsentiarum tamen de illa nihil subjungo. Non enim sine nausea crambem recoq̄verem, cujuslibet enim affectus causa, quid vitandum sit, simul dicit. Quales quippe medicamentorum, tales etiam diætæ sunt indicationes.

FINIS.



Non est ex STERILI prolapsus Is Arbore fructus,
Evellit STERILIS qui mala cuncta foli.
Vena sit hæc nunq̄vã STERILIS, quæ munere tanto
Affluit, & Medicã fertilitate cluet.

Clariss. Dn. Candidato ita applaud.

MARCUS RHODE, D.

Cod. Just. P.P. Ord. & h.t. Univ. Reçtor.

*Clarissimo atq̄ve Doctissimo Dn. Candidato
paucis hisce bene precari voluit*

P R Æ S E S

UT steriles REUTERE Tibi dent praxin opimam,
Ut dent foecundi, mente animoq̄ve precor.
Nobilis-

Nobilissimo

Domino REUTERO

Pro summis in Arte honoribus imperandis


De *STERILITATE* solenniter Disputanti

Pellere cordivoram, *Steriles* quæ exercet, **AMICE**
Curam cum sagatis, Cura probanda Tua est.
Applaudit Curæ laudandæ Phæbus & ipse
Plautus his Phœbi Plausibus addo meos.
Non *Sterilis* posthæc unquam Tua Praxis; & illa
Quam captas, **LAURUS**, ne Tibi sit *sterilis!*

Ita gratulatur

IRENÆUS VEHR, D.

Archiater Elect. Brand. & Prof. Med. Ord. Senior.



ULB Halle
002 725 940


3



SB

1077





DISPUTATIO MEDICA
INAUGURALIS
DE
STERILITATE,

Quam
ANNUENTE DEO,
EX DECRETO

GRATIOSI MEDICORUM ORDINIS,
IN ILLUSTRIS HAC VIADRINA,
PRÆSIDE
DECANO SPECTABILI
DN.

BERNHARDO ALBINO

PHIL. & MED. DOCT. hujusq; PROF. PUBL. ORDIN.

Fautore suo ætatem colendo,

PRO LICENTIA
ASSUMENDI GRADUM DOCTORALEM,

In Auditorio Majori,

Ad Diem XII. Octobr. A. clō lōc LXXXIII.

Horis Ante- & Pomeridianis

PUBLICO ERUDITORUM EXAMINI SUBJICIET

SIMON Reuter /

BRAMBACHO-VARISCUS,

Circuli & Civitatis Arnsvvaldenfis Medicus Ordinarius.

Frankofurti, Typis CHRISTOPH. ANDREÆ ZEITLERI. Junioris, 1693.

127

